



PARLAMENT FEDERACIJE
SARAJEVO

Broj: 01/24-02-172-1/24
Sarajevo, 23.1.2024. godine

Primijeno: 24-01-2024			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Odbor za poljoprivredu, vodoprivredu i šumarstvo Predstavničkog doma Parlamenta Federacije BiH, na 8. sjednici, održanoj 23.1.2024. godine razmatrao je sljedeći:

DNEVNI RED

1. Usvajanje Zapisnika sa 7. sjednice Odbora;
2. Razmatranje organizovanja tematske sjednice Odbora;
3. Prijedlog Budžeta Federacije Bosne i Hercegovine za 2024.godinu - hitni postupak;
4. Prijedlog Zakona o izvršavanju Budžeta Federacije Bosne i Hercegovine za 2024.godinu – hitni postupak;
5. Tekuća pitanja.

Na osnovu člana 44. st. 1. i 2., a u vezi sa članom 79. Poslovnika Predstavničkog doma Parlamenta Federacije BiH, Odbor za poljoprivredu, vodoprivredu i šumarstvo Predstavničkog doma Parlamenta Federacije BiH, Domu podnosi sljedeći:

IZVJEŠTAJ

Na prijedlog predsjednika Odbora a jednoglasnom podrškom prisutnih članova Odbora dnevni red je dopunjen sa tačkama: 3. Prijedlog Budžeta Federacije Bosne i Hercegovine za 2024.godinu – hitni postupak i 4. Prijedlog Zakona o izvršavanju Budžeta Federacije Bosne i Hercegovine za 2024.godinu – hitni postupak.

1. Usvajanje Zapisnika sa 7. sjednice Odbora;

Zapisnik je jednoglasno usvojen.

2. Razmatranje organizovanja tematske sjednice Odbora;

Na redovnoj sjednici Odbora predsjednik Odbora istakao je potrebu organizovanja tematske sjednice posvećene Strategiji poljoprivrede i ruralnog razvoja Federacije Bosne i Hercegovine

za period 2021.-2027. godine, kao i Programu novčanih podrški u poljoprivredi i ruralnom razvoju za 2024. godinu, s posebnim fokusom na poticanje domaće proizvodnje.

Nakon rasprave, koja je uključila aktivno učešće svih članova Odbora, istaknuta je izuzetna važnost unapređenja domaće proizvodnje u sektoru poljoprivrede i ruralnog razvoja. Svi članovi Odbora jednoglasno su podržali prijedlog predsjednika Odbora o organizaciji tematske sjednice, prepoznajući njezin značaj u kontekstu postizanja ciljeva predviđenih Strategijom i Programom.

Očekuje se da će tematska sjednica Odbora pružiti dobru platformu za detaljnu analizu, razmatranje ključnih pitanja i identifikaciju konkretnih mjera usmjerenih prema unapređenju poljoprivredne i ruralne politike u Federaciji Bosne i Hercegovine.

3. Prijedlog Budžeta Federacije Bosne i Hercegovine za 2024.godinu – hitni postupak;

Nakon diskusije u kojoj su aktivno sudjelovali svi članovi Odbora, istaknuta su ključna pitanja vezana uz Prijedlog Budžeta Federacije Bosne i Hercegovine za 2024. Godinu – hitni postupak. Predsjednik Odbora je predložio ulaganje amandmana na spomenuti Prijedlog Budžeta, s posebnim fokusom na ekonomski kod 6145 - Subvencije privatnim preduzećima i poduzetnicima – Poticaji za poljoprivredu, putem povećanja sredstava za 25.000.000,00 KM. Članovi Odbora su jednoglasno podržali ovaj prijedlog, prepoznajući njegovu ključnu ulogu u jačanju podrške poljoprivrednom sektoru. Uvođenje dodatnih sredstava za poticaje poljoprivredi u iznosu od 25.000.000,00 KM smatra se nužnim korakom prema unapređenju održivosti i konkurentnosti poljoprivrednih subjekata unutar Federacije Bosne i Hercegovine. Ova podrška će, prema ocjeni članova Odbora, doprinijeti jačanju poljoprivredne proizvodnje, poticanju ekonomske aktivnosti te poboljšanju životnih uvjeta poljoprivrednika i ruralnog stanovništva. Prijedlog amandmana na Prijedlog Budžeta za 2024. godinu odražava ozbiljnost namjere Odbora da podrži ključne sektore u postizanju održivog razvoja.

4. Prijedlog Zakona o izvršavanju Budžeta Federacije Bosne i Hercegovine za 2024.godinu – hitni postupak;

Odbor je jednoglasno prihvatio Prijedlog Zakona o izvršavanju Budžeta Federacije BiH za 2024.godinu – hitni postupak.

5. Tekuća pitanja.

Po ovoj tački dnevnog reda nije bilo rasprave.

U skladu sa članom 53. Poslovnika Predstavničkog doma Parlamenta Federacije BiH za izvjestioca je određen Sandi Salkić, Predsjednik Odbora.

PREDSJEDNIK ODBORA

Sandi Salkić s.r.